



vaše zdravlje je
NAŠ PRIORITET


KLINIKA ZA GINEKOLOGIJU I AKUŠERSTVO

KLINIČKI CENTAR UNIVERZITETA U SARAJEVU



KLINIKA ZA
GINEKOLOGIJU I
AKUŠERSTVO

Adresa: Jezero,
71000 Sarajevo

Web adresa :www.kcus.ba

Telefon :+387 33 566 454

fax: +387 33 566 528

+387 33 213 861

Dobrodošli na Kliniku za Ginekologiju i akušerstvo KCU Sarajevo!

Klinika za Ginekologiju i akušerstvo je formirana 1974. godine. Nova Klinika za Ginekologiju i akušerstvo na lokalitetu Jezero je svoja vrata za građane Sarajeva otvorila po prvi put 1977. godine. Ova zgrada je imala 13.500 kvadratnih metara iskoristivog prostora, 8 porođajnih sala sa 16 porođajnih kreveta, 4 operacione sale i 9 kreveta intenzivne njege sa organiziranim odjelom perinatologije.

S početkom rata u Bosni i Hercegovini i gradu Sarajevu, u maju 1992. godine, kao posljedica granatiranja, klinika je morala biti premještena na lokalitet Koševo gdje je ostala do 1995. godine, a nakon toga je premještena u zgradu stare očne klinike.

U novembru 2010. godine Klinika za Ginekologiju i akušerstvo se ponovo vratila na prvobitnu lokaciju Jezero, gdje se nalazi i danas i predstavlja visoko specijaliziranu dijagnostičku i terapijsku ustanovu sa stručnim, znanstvenim i obrazovnim aktivnostima. Klinika za Ginekologiju i akušerstvo ima kapacitet od 123 kreveta i intenzivu njegu sa 18 kreveta. Operativni trakt ima četiri operacione sale (tri ginekološke i jednu opstetričku).

Klinika ima najnoviju opremu i moderne prostorije koje odgovaraju standardima dobre medicinske prakse, te je organizirana kroz sljedeće odjele:

- Odjel za reproduktivnu medicinu,
- Odjel dijagnostike i poliklinike
- Odjel za neonatologiju
- Odjel za operativnu ginekologiju i ginekološku onkologiju
- Odjel operacionih sala sa intenzivnom njegom
- Odjel uroginekologije
- Odjel za konzervativnu i juvenilnu ginekologiju
- Odjel porođajne sale sa prijemnom ambulantom
- Odjel puerperija - kapacitet od 32 bolnička kreveta (16 kreveta za prirodne porodei 16 kreveta za operativno završene porode), 32 kreveta za bebe i osam inkubatora.
- Odjel patologije trudnoće - kapacitet 27 kreveta



Usluge koje se pružaju u našoj klinici su:

- **Dijagnostički testovi:** dvostruki i trostruki test probira, amniocenteza, kardiokografija, mikrobiološka analiza vaginalnih briseva i brisa grlića maternice, Amnisure test, torch test, 3D / 4D ultrazvučni pregledi, color dopler, laboratorijski testovi, kolposkopija, biopsija

- **Ambulantna pregledi pacijenata:** prvi specijalistički pregled, savjetodavni specijalistički pregled, kontrolni specijalistički pregled, specijalistički pregled kod malignih bolesti, specijalistički pregled nakon operacije, Biopsio ex tempore, pregled kod pokušaja ili počinjenog silovanja, incizija apscesa, dijagnostička abdominalna punkcija, abdominalna punkcija sa evakuacijom, incizija Glandulae Batrholini

- **Ginekološki operativni postupci:** eksplorativna kiretaža, dilatacija, kiretaža, revisio cavi uteri instrumentalis, vakumska aspiracija za prekide trudnoće, Abortus artificialis, Biopsio endometrii, hladna konizacija, histeroskopija, laparoscopske procedure, ekstirpacija cisti, totalna jednostrana, ili obostrana salpingectomy, klasična konizacija cerviksa po Sturmdorfu, Cervikoplastika po Emmetu, totalna vaginalna i abdominalna ekstirpacija uterusa, miomektomija, punkcija Cavi Douglasi, vaginalna plastika, reparacija vulve i perineuma, operacija vulve i perineuma, eksplorativna laparotomija, radikalna operacija po Wertheim-Meigsu, vulvektomija

- **Komisije:** Ginekološka komisija pri kojoj se pregledaju pacijentice te se odlučuje o eventualnoj operativnoj proceduri. Komisiju čine 4 ginekologa, specijalista. Ginekološko-onkološka komisija pri kojoj se pregledaju pacijentice preoperativno sa suspektno neoplastičnim procesima genitalnog trakta, i prate pacijentice postoperativno. U radu komisije učestvuju 4 ginekologa i 3 onkologa.

- **Opstetrička njega:** opstetrički pregled porodilja, ultrazvuk, porođaj sa epiduralnom, IV i lokalnom anestezijom, spontani vaginalnu porođaj, inducirani porođaj, uzimanje krvi iz pupkovine radi matičnih stanica

- **Reproduktivno savjetovanje:** (ginekološki pregled, analiza sperme, folikulometrija)

Klinika trenutno ima 179 uposlenika, 25 liječnika specijalista (jednog profesora, tri docenta, šest magistra), 3 liječnika na specijalizaciji, jednog liječnika interne medicine, šest pedijatra – neonatologa, jednog biologa, 6 viših medicinskih sestara, 105 medicinskih sestara, dva administrativna radnika i pomoćno osoblje.



Vaše zdravlje je naš prioritet.



Klinika za Ginekologiju i akušerstvo